

東華續錄

乾隆五十八

臣王先謙敬編

臣周潤蕃恭校

秋七月丁巳諭查閱營伍除山東山西河南外俱歸總督辦理○
壬戌諭沈作朋等縱盜寃良一案經欽差阿永阿葉存仁等審明
各情節具奏竟係湖北通省前後辦理之督撫藩臬上下聯爲一
氣終始扶同公行欺蔽坐致奸盜久稽顯戮良民寃累經年爲通
省人民所共憤而有司莫敢爲之舉發昭雪者似此肆行罔上實
爲從來罕見之事是以命將沈作朋周琬囊必輝等官犯提至熱
河親加研鞫據愛必達供實係辦理錯誤若因後案發覺再將前
案翻改惟恐有礙顏面所以未經推求此則復成何語朕初以李
作楨家被盜一案受必達爲屬員蒙混咎在懵懂是以僅予革職

發往伊犁效力贖罪既經查出趙啟賢家盜案案錄原報詳文愛
必達輒將詳內無關緊要之處逐層批駁則是有心迴護矣愛必
達身爲總督欲顧自己顏面竟致奸良不問見今審出實情身罹
法網頭面更復何在愛必達爲滿洲世臣乃貢恩欺蔽至此其罪
尙可追乎周琬前爲刑部司員頗稱強幹今於此等緊要盜案惟
聽信沈作朋之言扶同徇庇既經親自提訊乃任盜犯狡翻轉將
趙泰交參劾其朋比爲奸情弊已屬顯然至其平日任性乖張亦
幸而未與後案耳設令其仍在巡撫之任其堅護前非存心枉縱
更不知何所底止親鞫之下周琬已俯首無辭至沈作朋縱盜寬
其於前復播弄阻撓於後始終釀成冤滯實爲此輩罪魁且見供
失入強盜關繫四命若失入事主罪止軍流夫宜讎之強盜四命
何妨不宜罰之冤民一家已破設司臬者皆如此存心天下可以

無盜但輕罰告盜者閭閻尙得安居乎錫占係知府大員專委承
審重案乃有意遷延致沈寃積年未白陳銓陳文樞單言楊等逢
迎鍛鍊均罪無可貸但究係受上司挾制覈其情節與周琬沈作
朋有間高誠明知前案冤抑乃辦理選輒不卽據實具奏實爲庸
懦無能但將後案實情定讞尙無有心欺飾以上各情節經朕親
訊無不水落石出所有各官犯應得之罪著行在大學士九卿定
擬速奏並將此通諭各督撫知之尋奏沈作朋等縱盜寃良朋比
欺罔按律定擬沈作朋周琬愛必達應斬立決錫占應發伊犁當
差單言楊陳銓陳文樞均應發巴里坤當差得旨沈作朋著卽處
斬周琬著從寬改爲應斬監候秋後處決愛必達著從寬改爲應
絞監候秋後處決餘依議○以李宗文爲內閣學士

由少詹事遷

○癸

亥諭湖北盜犯張洪燁等前後兩案承辦之上司屬員種種扶同

欺蔽實爲情理所不容。歷來所罕見之事。前後所降諭旨。甚明朕之所以弗憚諄諄告誡者。不特爲楚省整綱飭紀。亦正爲直省各督撫提撕警覺耳。國家立法弭盜。所以安良。乃沈作朋等輒將贓真盜確之犯。立意翻案。縱脫轉致冤累良民。及後案復發。仍展轉護非。並欲消弭前案。天下豈有甫經開釋之盜犯。旋即夥劫敗露。而仍疑前案之向非真盜者。此雖三尺童子亦知其斷無是理。乃轉於此吹求駁詰。是誠何心。若論反坐常例。未的決者。原問官得減等定擬。此在州縣微末之員。承辦偶爾舛誤。或可依例稍從末減。若督撫藩臬爲地方倚任大僚。案情由其覈定。乃敢上下聯爲一氣。掩蔽欺蒙。幾致覆盆莫白。況事主李作楨等冤累經年。一家已破。豈得復藉決與未決爲解免之詞。伊等之縱盜冤良。鉗制屬員。朋比爲奸。天下所共知。本不待更訊。所以親加鞫訊者。特示嚴

懲以申國法而抒民憤且使天下司憲者知善知不可濫寬讞牘不容淆亂於明罰敕法之中寓懲一儆百之意昨訊沈作朋供強盜關繫四命事主罪止軍流此語尤爲喪心病狂夫審理盜案亦止論贓盜之真確否耳旣已賊真盜確卽按律多誅數人亦法紀之所應得若無辜之百姓雖一答一杖亦不得妄加何得較量科罪之重輕槩置黑白於不問朕於各省司臬陞見時每剴切訓諭及之初不料沈作朋等竟藉口於人命攸關轉以縱盜寃良爲得計甚至趙啟賢家被劫盜深以前案事主坐罪爲鑒不敢赴空若非秦鏐之立時獲盜起贓稟詳切實則強劫得以肆行無忌閭閻尙可安居乎且秦鏐及遊擊李華擒拏賊盜時當盜犯之家先令捕役脫衣揆檢以防他日栽誣地步正以愧前案枉縱之上司而伊等猶恬不知恥仍欲售其蒙混消弭之故智不畏功令不恤人

曾公行欺罔若似此而不而之整頓地方尙有何事不可爲乎此案沈作朋實屬罪魁立即正法愛必達護非欺罔周琬朋比爲奸本均應正法但以案內尙未冤及人命故從寬改爲監候此後各督撫藩司等俱當觸目儆心共知鑒戒毋蹈覆轍著將此通諭中外知之○諭李祿以孫承祖其稱名仍作世子於義似屬未安著交禮部考據經書及歷代史冊自來有無世孫名號並檢查會典該國從前曾有似此立孫之事務令悉心詳細稽考折衷一是具摺奏覆○甲子諭明德審訊洪洞縣民鄭淩放槍捕賊致傷繼母身死一案擬以凌遲具題三法司以本內所敘情形事由捕賊放槍時適伊母在房靠牕窺欄槍砂散開誤傷殞命黑夜之中實屬思慮所不及覈其情法尙屬兩岐駁令該撫另審妥擬等語擬議尙未盡允協夫所謂過失殺者其在平人固無可議卽以本家

親長而論亦止於伯叔兄弟尚可量從末減若子孫之於祖父母
父母卽實出於無心原情定擬試問爲子若孫者尙何心偷生視
息覲顏自立於人世乎春秋許世子止之義深可味也但究係犯
時不知準情酌理自當免其凌遲已屬寬典卽定以縲首立寘於
法庶爲平允著刑部另將律文斟酌定議奏准頒行至此案鄭凌
致死繼母陳氏放槍雖由捕賊然旣係繼母又同院居住豈不知
伊母臥房所在輒向放槍致死尤不當令其苟活人世致乖倫理
著三法司覈擬具奏尋議查向例子孫過失殺祖父母父母止擬
杖一百流三千里實未允協請嗣後子孫有過失殺祖父母父母
者擬絞立決毋得仍照舊例並通行各省輒入例冊從之○戊辰
諭據留保住奏稱青海地方西南界連川藏沿邊與內地合州沙
州接壤凡民人唐古特交涉命盜及玉暑番子扎薩克等支領俸

餉承襲官職並徵收巴顏囊產等部落馬匹賦稅辦理藏使行糧等項非給與印信恐致滋弊貽誤應請頒給西甯辦事章京關防等語前因西甯無事不必專駐大臣是以副將都統撤回止留部院章京一員帶領筆帖式一員在彼辦理事務今因大臣撤回地方官員卽有妄行給票舞弊情事看來必須仍設大員諸事方有裨益七十五著賞給副都統職銜前往辦事該處見在乏人七十五不必來熱河請訓卽於京師帶領撤回原印馳驛前往所有該處一切事件俱著照舊辦理○辛未禮部議准貴州學政李敏行奏嗣後各省考試選拔生員刪去判語改用五言八韻排律一首從之○壬申諭前內閣撰擬朝鮮世子詰敕朕意李祘以孫承祖其稱名仍作世子於義未安是以傳諭禮部詳覈查覆茲據奏該國王李昫本請以世子李愔之子李祘封爲嫡嗣並無請封伊係

爲世子之說且考之史冊見有世孫名號昭然可據今李祿旣係該國王之孫自應援例封爲世孫方爲名正言順乃不詳覈典故漫以世子加封若非經朕指出其何以昭天朝典制耶禮部堂官著飭行所有給予誥敕卽行改正頒發（諭朕閱續文獻通考館所進職官考內有應增改數處俱經逐一指示發該館參考訂正其有一二條沿襲舊文於官制未協者所當斟酌釐定以符體制如四川總督條下註明兼巡撫事而直隸總督向無巡撫兼銜書內亦未註出但巡撫於地方一切考察覈轉皆其職任直隸見在旣不設巡撫其所管通省事宜與四川總督無異嗣後直隸總督官銜著照四川總督之例添列兼管巡撫事務至外省知府向爲正四品而巡道各視兼銜爲差等則有三品五品之不同今道員旣經裁去兼銜統爲正四品知府乃其所屬自應量爲區別著將

各省知府改爲從四品其封典內旗員武職六七品有封承德郎
文林郎者名義亦貴未當應照漢官武職之例六品改爲武信郎
七品改爲奮武郎但漢官武職至七品而止所有旗員之八九品
武職仍照舊制爲修職郎登仕郎庶名實相符而官制亦爲允協
俱著該部遵照辦理並諭令會典通考等館一體改正○己卯以
王檢爲廣西布政使

田山西按察使遷

○庚辰諭和碩履親王端謹性成

勤勢匪懈前因抱病卽派皇四子皇五子帶領太醫院使馳往診
視以冀痊可茲聞薨逝深爲震悼卽擬回京臨奠而扈從馬匹一
時未能調集計程往返須在中秋前後是以暫停親詣俟回鑾後
再行親臨奠醊著令皇四子在王府穿孝並派皇五子及和親王
穿孝仍派和親王恆親王內務府大臣英廉經理喪儀一應喪事
所需俱動用官項以展朕優崇懿親至意尋子加祭一次諡曰懿

○以藍欽奎爲山西按察使

由湖南辰沅永靖道遷

○辛巳諭據莊親王等

奏稱從前慎靖郡王薨逝時六阿哥於滿月墓祭後卽行釋服今履親王薨逝請令四阿哥於初次墓祭後釋服等語慎靖郡王雖係朕叔然與朕同庚履親王年齒高邁且六阿哥承繼慎靖郡王時係王薨逝後朕所降之旨王在日尙不知然猶持服一月值朕萬壽自應釋服至四阿哥向蒙履親王養育多年且爲王十分鍾愛若令於初次墓祭卽行釋服朕心實爲不忍著遵前旨令其持服百日五阿哥著同派出王等一同釋服庶可少伸朕哀悼之懷

○諭北方各疆吏廣裁臥柳○壬午諭軍機大臣等據開泰等奏九土司綽斯甲布等攻打金川一摺所辦尚未得窺要開泰向於耶卡遣人赴蜀時每許進見且常加撫慰而陰縱綽斯甲布等與之攻擊在耶卡素性猝黠此等行爲豈能掩其耳目卽綽斯甲布

見此依違兩可亦將竊笑甚非天朝開示誠信駕馭番夷之道耶
卡既於綽斯甲布等屢肆侵陵衆土因合力報復原不爲過督臣
既聞其事惟應明白宣示綽斯甲布等以耶卡既得罪於衆土司
爾等悉銳往攻儻能勦滅番洞亦免爾等後患但不必官爲應援
而於耶卡來人嚴爲拒絕且切諭以爾既結怨鄰境豈甘爲爾蠶
食必將聯集各寨奮力復仇此亦爾所自取我等斷不肯曲爲庇
護如此則耶卡既不敢恃以逞強而綽斯甲布等亦可洩其積憤
於事理方爲兩得乃開泰既譎以誼絡耶卡復隱爲援助士司殊
失控制大體阿爾泰嗣後一切當以光明正大經理得宜毋事調
停遷就致蹈開泰故習並將此傳諭岳鍾璜知之○甲申命駐防
將督都統提鎮恭進表牋均照督撫式

八月乙酉朔命哈密巴里坤伊犁葉爾羌等處駐防官兵養廉

茶銀兩以甘肅等處裁撤兵丁馬乾劃抵索倫祭哈爾莊浪涼州
移駐伊犁兵官養廉贈茶銀兩以京口杭州裁撤漢軍兵丁分例
劃抵○庚寅諭富德所犯之罪皆伊福薄未改烏拉齊積習之所
致但富德前在軍營曾經出力行走著加恩寬免其罪補放散秩
大臣效力贖罪○壬辰諭軍機大臣等永貴等奏稱哈薩克阿布
賚遣使獻馬其自帶馬九十餘匹已准令貿易等語哈薩克前在
伊犁烏魯木齊來往並未至回地貿易且伊等至喀什噶爾必由
布魯特等部落經過沿途頗有賊盜苟非貪圖重利焉肯前往見
在伊犁等處貿易不等馬匹僅估價銀三四兩而回地則加倍有
餘來往日久不但伊犁等處貿易大減亦恐滋生事端但阿布賚
素稱恭順此次既經准其貿易嗣後伊等再來必禁絕回人私市
但從官買較之伊犁等處值價更減不可稍令獲利伊即欲帶回

亦聽其便仍曉示來人以爾等從前並未回地貿易況回地亦無須多購馬匹其各項牲畜自有巴達克山安集延布魯特等處商販爾等不必前來如此則貿易不得便宜伊等自不肯遠赴並將此傳諭伊犁烏魯木齊駐紮將軍大臣等知之○癸巳賜烏魯木齊城曰迪化城門東曰惠孚西曰豐慶南曰肇阜北曰憬惠特納格爾城曰阜康城門東曰綏惠西曰振威南曰麗陽北曰甯朔○庚子 上奉 皇太后自避暑山莊巡幸木蘭行圍○乙巳命杜爾伯特王公扎薩克等及歲子弟報部授職○丙午命各省督撫學政鹽政藩臬兩司書吏不許私用頂帶○戊申吏部議准山西巡撫明德奏清源縣地處偏僻界僅三十里餘溝縣地方不過三十餘里請將清源縣裁汰統歸餘溝縣轄從之○辛亥賜庫爾喀喇烏蘇堡名曰綏來門東曰延和西曰迎顯南曰調薰北曰鴻

信昌河堡名曰豐潤門曰咸甯曰同輒曰景風塢納斯堡名曰遂

成門曰卽敘曰迪康曰覃化○壬子以淑寶爲甘肅布政使朱珪

爲福建按察使

由糧驛道遷

○是月湖南巡撫喬光烈奏湖南嶽麓書

院有宋大儒朱熹張栻於此講學人文輩出爲海內四大書院之

一明季殘毀本朝修復再頒扁額復賞給金惟房屋傾圯地偏山

陂淺窄欹斜工難經久稍東數十步原屬書院故址繁傍 文廟

地勢平衍改築於此增建數十間足供諸生棲止報聞

九日乙卯朔日有食之○調王檢爲甘肅布政使淑寶爲廣西布

政使○調富尼漢爲山東按察使閔鶚元爲安徽按察使○己未

尙書劉綸奏蕙田奏臣等恭承指示校正韻書竊惟古詩賦頌箴

銘韻從通叶 欽定叶韻彙輯一書義例精當久已成編惟律韻

尙仍舊本謹按韻書昉隋唐分合異同源流滋別考證維艱臣等

悉行參考就見在通行韻書中有應更改增損者折衷廣韻集韻禮部韻略五音集韻韻會舉要等書及諸家辨論參互得失之故列爲凡例並將列韻格式先呈 御覽其新編韻書請賜嘉名得

旨書名著定爲音韻述微○癸亥諭前審訊湖北縱盜寬良一案根究始事之由詢及知州趙泰交據供有幕友浙江人徐掌繇盧培元等弟兄親戚盤踞楚省歷有年所與地方官交接往來徐掌繇在臬司沈作朋署內伊弟徐登三卽在總督愛必運署內伊妹夫盧培元卽在巡撫湯聘署內彼此串通一氣此案各衙門前後批詳皆出伊等數人之手等語地方大吏承辦重案竟至顛倒是非行私罔上固不得諉過旁人稍爲寬貸而此等惡幕暗通聲勢從中把持實爲民生吏治之蠹已降旨李侍堯熊學鵬等掣解刑部既同軍機大臣嚴審治罪在外省督撫藩臬衙門案牘紛繁書

記之任亦不可少然一切應准應駁必當自爲主持豈可聽一二幕友操縱自由且此輩賢否不一甚至彼此潛相照應或援引黨類往還出入因而媒銜招搖轉致受其愚弄向來勸薦幕賓例有明禁復經臺臣條奏嚴定處分乃楚省尙有敢於上下勾結縱盜殃民若徐掌絲等之甚者一省如此恐他省亦不能保其必無著傳諭各省督撫留心密訪嚴察如有此等久慣惡幕潛居省會倚託上司衙門因緣爲奸者立即嚴拏重究以昭炯戒毋得稍存姑息僅以遞回原籍顛頂了事儻督撫等視爲泛常不知實力整頓一經朕別有訪聞惟伊等是問並聞有新任督撫潘杲接用舊任幕友者徒因其經辦多年一切多所諳習遂爾相沿趨便不知若輩藉隱幕更事爲名始終占踞一衙門官有去留幕無更易不肖之徒易於乘間滋弊涓涓不息將爲江河亦不可不杜其漸嗣後